



KOLUNBARIOAREN UDAL ORDENANTZA

OHARRA: Dokumentu hau informazioa emateko helburuarekin eginda dago. Aldizkari ofizialetan argitaratutako testu onartuek bakarrik dute balio legala

Onartuta: Udalbatzak 2008/04/28an

Argitaratuta: Gipuzkoako Aldizkari Ofizialean 2008/07/02an

Aldaketak:

1. aldaketa:

5. artikulua, 10. artikulua, 11 artikulua eta aldi baterako xedapen bat erantsi

Onartuta: Udalbatzak 2008/11/10ean

Argitaratuta: Gipuzkoako Aldizkari Ofizialean 2009/02/04an

2. aldaketa:

10. artikulua aldatu da.

Onartuta: Udalbatzak 2013/10/28an

Argitaratuta: Gipuzkoako Aldizkari Ofizialean 2014/01/17an

KOLUNBARIOAREN UDAL ORDENANTZA

1. artikulua: Xedea

Kolunbarioen erabilera eta okupazioa arautzea da Ordenantzaren xedea.

2. artikulua: Kontzeptua

Erraustutako hilotzaren edo gorpuzkinen erraunts-kutxatila gordetzeko lekuari esaten zaio kolunbario.

3. artikulua: Kokapena

Oraingoan, kolunbarioak Matxiategiko udal-hilerrian daude eta bakoitzak erraunts-kutxatila bakarra gorde dezake. Era berean, kutxatilak hilotz bakar baten edo horren gorpuzkinen errauntsak bakarrik gorde ahal izango ditu.

4. artikulua: Helburua

Udalerrian bizi zirenen errauntsak dituzten kutxatilak bakarrik onartuko dira, hau da, hiltzean udal-errodan izena emanda zutenenak. Dena den, herritarren beharrei erantzuteko nahikoa toki izanez gero, herrian jaio baina hiltzean bertan bizi ez zirenen errauntsak ere gorde ahal izango dira, aurretik eskaria egin eta Udalak onartu ondoren.

5. artikulua: Eskariak

Kolunbarioaren eskatzaileak pertsona fisikoa izan behar du, eta Udaleko Erregistro Orokorrean honako dokumentazio hau aurkeztu beharko du, Udalak berak emango dion eskari-inprimakiarekin batera:

- Eskatzailearen Nortasun Agiriaren fotokopia.
- Edozein errausketa-labetan erraustu izana egiaztatzen duen dokumentua.
- Aurretik lurperatuak izan ez diren hilotzen erraunts-kutxatilak baldin badira, Erregistro Zibileko heriotza-inskripzioa.
- Dagokion Udal-tasa autolikidatu izanaren agiria.
- Argazki bat, aukera hau erabili nahi denean.

Eskaria aurkeztu eta hamabost eguneko epean hartuko du horren gaineko erabakia Udalak. Aurreko paragrafoan aurreikusitako epea amaitu eta Udalak inongo erabakirik ez badu hartu, ez onartutzat hartuko da eskaria.

Udalak eskaria onartu eta aldeko erabakiaren berri eman ondoren, gehienez hamabost eguneko epean gorde beharko da erraunts-kutxatila dagokion lekuan. Hala egiten ez bada, bestelako tramiterik gabe, eskatzaileak emakidari uko egin diola ulertuko du Udalak.

Aldeko erabakiak emakidadunaren izena eta abizenak, kolunbario-zenbakia eta emakidaren data eta epea jaso beharko ditu, gutxienez. Dena den, erabakia kontrakoa balitz, ordaindutako tasa bueltatu egingo zaio eskatzaileari. Emakida jaso ostean, interesdunak hilerrira joan beharko du bertako lan-ordutegiaren barruan. Udalaren aldeko erabakiari dagokion dokumentua erakutsi eta errauts-kutxatila hilerriko langileei eman beharko die, eurek gordeko baitute dagokion kolunbarioan.

Ezingo da inolaz ere kolunbarioko aterik ireki emakida-epea amaitu arte. Emakidadunak errauts-kutxatila aldeztu aurretik erretiratu nahi badu, eskaria aurkeztu beharko dio Udalari, eta horrek onartu ondoren, emakida bukatutzat hartuko da.

6. artikulua: Emakida-epea

Kolunbario-unitatea erabiltzeko epea (behin behineko emakida) hamar urtekoa izango da, baimenaren jakinarazpena egiten den egunetik aurrera.

Interesdunari dagozkion arrazoiak medio epea amaitu aurretik etengo balitz emakida, pertsona horri ez zaio ordaindutako zenbatekoa bueltatuko, ez osorik ez zatirik, ez baitu horretarako eskubiderik izango.

Emakida-epea amaitu eta hilabetera inork ez badu errauts-kutxatila jasotzeko eskatu, Udalak hezurtoki komunera eramango du.

Emakida-epea beste hamar urtez luzatu ahal izango da, epe hori amaitu baino hilabete lehenago, gutxienez, eskaria egin eta une horretan indarrean den tasa ordainduz gero.

Udalak gehienez 15 eguneko epean hartuko du eskari horren gaineko erabakia. Udalak emakida-epea luzatzea ukatu dezake baldin eta hurrengo urteetako beharrei erantzuteko beste toki ez dagoela uste badu.

7. artikulua: Tasak

Kolunbarioa erabili ahal izateko ordenantza fiskalean jasotako tasa ordaindu beharko du eskatzaileak autolikidazio-erregimenean.

8. artikulua: Errauste-kutxatila gordetzeko era

Errauste-kutxatila modu antolatuan gordeko dira kolunbarioetan, hau da, ezkerretik eskuinera eta behetik gora. Beraz, ezingo da hurrengo ilarako kolunbariorik erabili aurrekoa erabat beteta egon arte.

Hurrenkera zehazteko, erabilera-emakidaren data hartuko da kontuan.

9. artikulua: Kolunbarioen erregistroa

Udalak kolunbarioen erregistroa izango du, eta bertan eskatzailearen izena eta abizenak, erraustuaren izena eta abizenak, kolunbario-zenbakia, emakida-data eta epea jasoko dira, gutxienez.

10. artikulua: Kolunbarioen ezaugarriak eta apaingarriak

Kolunbarioek honako neurri hauek izango dituzte: zabaleran 25 cm, altueran 30 cm eta sakoneran beste 20 cm. Gainera, identifikazio-plaka izango dute, altzairu herdoilgaitzezkoa, Udalak hornitu eta jarriko duena, emakida jakinarazi eta, gehienez ere, hilabeteko epean. Plaka horretan hildakoaren izena eta abizenak edo ezizena azalduko dira, eta horrekin batera heriotzaren data edo jaiotza- eta heriotza-urteak, eskatzaileak eskaria egitean aukeratutakoaren arabera. Plaka horrekin batera argazkia jarriko da, eskatzaileak kolunbario baten emakida eskaera egiterakoan espreski eskaera hori ere egiten badu eta dagokion tasa ordaindu.

Nahi izanez gero, plaka eta argazkiaz gain eskatzaileak egotzi irizitako apaingarriak edo sinboloak (gurutzea, ...) jarri ahal izango ditu honako baldintza hauek beteta:

- Inoiz ez da gaindituko kolunbarioak duen atearen azalera, eta plaka eta argazkia, argazkia balego, ikusteko moduan utziko dira.

- Ezingo da apaingarri edo sinbolo horiek jartzeko atea zulatu, edo atean pegatu ateari kalte eginez. Beraz, jarri aurretik hilerriko langileekin harremanetan jarri beharko da eskatzailea eta udal langileak emandako jarraibideak derrigorrez bete beharko ditu.

11. artikulua: Kalteak

Hilerriko esparruaren zaintza egingo du Bergarako Udalak, baina Udalak ez du bere gain hartzen errauste-kutxatilarri, plakari edota argazkiari hirugarrenek egindako lapurreta edo kalteen erantzukizunik. Era berean, ez du bere gain hartzen naturak (uholdeak,...) eragindako kalteen erantzukizunik.

12. artikulua: Ordenantzaren interpretazioa

Alkateak eskumena izango du honako Ordenantza hau aplikatu eta garatzeko beharrezkoak diren arauak emateko, eta baita ere Ordenantzaren interpretazioan sortu litezkeen zalantzak erabakitzeko.

ALDI BATERAKO XEDAPENA

10. artikuluan jasotakoaren salbuespen gisa une honetan jadanik kolunbario baten emakida dutenek egin ahal izango dute argazkia jartzeko eskaera. Horretarako urte beteko epea izango dute ordenantzaren aldaketa hau indarrean sartzeko denetik.